

ԱՐԱՄ ՆԱՀԱՊԵՏԸ ԿԱՊԱԴՈՎԿԻԱՅՈՒՄ

(Մի վարկածի առթիվ)

Պատմ. գիտ. դոկտոր Ա. Վ. ՔՈՍՅԱՆ

Մովսես Խորենացու և մյուս Հայ պատմիչների երկերում պահպանված տեղեկությունները միանշանակ վկայում են Հայոց նահապետների շարքում Հարմայի որդի Արամի ունեցած բացառիկ կարևոր դերի մասին: Արամին նախորդած և Հաջորդած նահապետներից ոչ մեկի օրոք «նախնական Հայքը» հարևանների հետ փոխհարաբերություններում այնքան մեծ հաջողություններ չի ունեցել, որքան Արամը: Եթե մյուս ըոլոր նահապետները, բացառությամբ, թերևս, Պարույր Սկայորդու, կամ պաշտպանողական պատերազմներ են մղել Միջագետքի տիրակալների դեմ, կամ ուղղակի որևէ արժանահիշատակ դործ չեն կատարել, բացի Հայաստանի տարբեր շրջանները յուրացնելուց, ապա այլ է Արամի ֆենոմենը: Շնորհիվ Նյուեքար Մադեսի, Բաբշամի և Պայպիս Քաաղեայի դեմ տարած փայլուն հաղթանակների, նա «ընդարձակել զսահմանս Հայոց յամենայն կողմանց. յորոյ անուն և զաշխարհս մեր անուանեն ամենայն ազգք, որպէս Յոյնք՝ Արմէն, իսկ Պարսիկք և Ասորիք՝ Արմէնիկք» (Մովսէս Խորենացի, Պատմութիւն Հայոց. Ա. ԺԲ): Ըստ Խորենացու, Արամի օրոք Հայաստանը մեծ հեղինակություն էր ձեռք բերել հարևանների մոտ և նրանք այսուհետև մեր ժողովրդին Արամի անունով սկսել են անվանել Արմեն/Արմենիկք:

Հայոց ծագումնաբանությունը և վաղ պետականության ինքիներին նվիրված հետազոտություններում Արամ նահապետի պատմականության հարցը գերազանցապես մեկնաբանվել է որպես Հայկական լեռնաշխարհի քաղաքական միավորների՝ հարևան պետությունների գեմ մղած դարավոր պայքարի արտացոլում ժողովրդի հիշողության մեջ¹: Այս կարծիքը հենվում է այն մտայնության վրա, որ Ուրարտուից առաջ Հայկական լեռնաշխարհում չէր կարող գոյություն ունենալ նման հեռահար արշավանքների ընդունակ պետություն. նույնը նաև ուրարտական փուլում (մ.թ.ա. IX–VII դդ.), Ուրարտուից բացի, որևէ այլ քաղաքական միավորի առնչությունը: Վերջերս առաջ քաշվեց մի վարկած, ըստ որի հայկյան Արամ նահապետը նույն ինքը ասորեստանյան աղբյուրների Արամեն է (մասնագիտական հրատարակություններում՝ Ուրարտուի արքա), որն իշխել է ոչ թե

1 Տե՛ս, օրինակ, Հ ա կ ո բ Մ ա ն ա ն դ յ ա ն. Երկեր. հ. 5, Երևան, 1984, էջ. 559.

Վանում կամ գրա մոտակայքում, այլ ուրարտական աղբյուրների էթիոնիում, Արամանյակ նահապետի՝ դեպի Արագածոտն տեղաշարժվելուց հետո²:

Հայոց ծագումնաբանության խնդիրների ուսումնասիրությունը մեծապես կախված է այսօր մասնագետների տրամագրության տակ գտնվող տարաբնույթ սկզբնաղբյուրների գիտական համագրման ասպարեզում ունեցած հաջողությունից, գրանցում սլատմականը առասպելականից զատելու ընդունակությունից: Այս տեսանկյունից սլիտի մոտենալ վերջերս Արամ նահապետի առեղծվածի, Պատմահոր վերը հղված հատվածի մեկնաբանության ուրույն փորձով մասնագետների ուղադրությունը բեռած մի աշխատությունը: Հայոց հին պատմության և պատմական աշխարհագրության առաջատար մասնագետ Բ. Հ. Հարությունյանի ոչ մեծածավալ ուսումնասիրությունը³ եզակի փորձ է Հայկական լեռնաշխարհի պատմության մի բավական խրթին ժամանակաշրջանի ընթացքում (մ.թ.ա.VII-VI դդ.) տեղ գտած իրագրությունների պարզաբանման ասպարեզում: Իրեն հատուկ մանրակրկիտ, ոչ ստանդարտ լուծումներով Բ. Հարությունյանը առաջարկում է հետևյալ վարկածը:

Արամ նահապետը ոչ այլ ոք է, քան ուրարտական վերջին արքաներից մեկը՝ էրիմենան, նույն ինքը Քսենոփոնի «Կյուրոպեդիայում» հիշատակվող «Արմենիայի» անանուն արքան՝ Տիդրանի հայրը: Հիմնականում ժամանակագրական ճշգրտումների հիման վրա Բ.Հարությունյանը ենթադրում է, որ էրիմենա-Արամը իսկապես կարող էր հաջող պատերազմներ վարել երեք ուղղություններով՝ 1) մարերի դեմ (սկյութների առաջնորդ Մագյուես = Նյուքար Մագես, մ.թ.ա. 631թ.), 2) Ասորեստանի դեմ (մ.թ.ա.625 թ. հետո՝ որպես մարերի գաղնակից), 3) դեպի Կապադոկիա (Պայապիս Քաադեայ = Լիգիա), ինչպես ներկայացված է Պատմահոր մոտ: Եվ այս բոլոր իրագրությունները մ.թ.ա. VII դարի վերջին երրորդի ընթացքում:

2 Այս տեսությունը ներկայացվեց պ.գ.թ. Արտակ Մովսիսյանի՝ ՀՀ ԳԱԱ Արևելագիտության ինստիտուտի Սեպարական քաղաքակրթությունների բաժնի ընդլայնված նիստում (1998թ. նոյեմբերի 25) ընթերցված զեկուցման մեջ: Արամ նահապետի անձնավորման ևս մեկ տարրերակ է առաջարկում խեթագետ Վ.Խաչատրյանը: Ըստ նրա, Արամը էթիոնիի Հայկական թագավորության մ.թ.ա. 891-834 թթ. իշխած արքան է եղել, ուրարտական Արամի ժամանակակիցը (Վ. Ն. Խաչատրյան. Հայաստանը մ.թ.ա.XV-VII դարերում. Երևան, 1998, էջ.106-111): Այս տեսակետը առաջադրվել էր դեռ 1980 թ. (В. Х а ч а т р я н. Страна Хайк в составе Урарту.-Вестник обществ. наук, 1980, №6, с.101-112), որտեղ Անուշավանից հետո «Հայքում» Հայկյաններից հետո իշխանությունը ղավթած բռնակալները նույնացվում էին Ուրարտուի արքաների հետ: Երկու հեղինակների վերականգնումը հենվում է Հայկյան նահապետների կառավարման ժամանակագրության՝ Մ.Չամչյանի ներկայացրած ցուցակի հավաստիության ընդունման վրա:

3 Բ. Հ. Հ ա Ր Ո Ւ Թ Յ Ո Ւ Ն Յ Ա Ն. Հայաստանի, Հայ-իրանական հարաբերությունների և Առաջավոր Ասիայի հնագույն պատմության մի քանի խնդիրների շուրջ (մ.թ.ա.VII-VI դդ.). Երևան, 1998:

Սուլյն հողվածում, որն ամենևին գրախոսութուն չէ, քանի որ բեկովում է քննարկվող ուսումնասիրության մեջ արծարծված բազմաթիվ ընդհանուր և մասնավոր խնդիրներից միայն մեկի վրա, կփորձենք ստուգել հեղինակի մի թեզի հիմնավորվածության աստիճանը: Նպատակագրվելով ապացուցել մ.թ.ա.VII դարի վերջին երկու տասնամյակների ընթացքում էրիմենա-Արամի կատարած նվաճումների հավաստիությունը Կապագովկիայում, հեղինակը փորձել է լուծել մի շարք ընդհանրություններ:

Առաջինը «Պոռտին Արմենիա» (= Πρωτην Αρμενίαν «Առաջին Հայք») տերմինի ավանդական մեկնաբանության ժխտումն է: Ակադ. Ս. Երեմյանի կողմից առաջարկված «Նախնական Հայաստան» թարգմանությունը փոխարեն առաջարկվում է «Գրավյալ Հայաստան» (մարբերեն *paretan Armenian, որտեղ առաջին բառը կարող էր շփոթվել հունարեն πρωτην-ի հետ) (էջ.78-79): Այնուհետև ստուգաբանվում է Պայապիս Քաաղեայի անունը: Այստեղ արդեն հեղինակը լեզվաբանական և ժամանակագրական զբալի ճշգրտումներից հետո հանգում է այն եզրակացության, որ Արամի հակառակորդը Կապագովկիայում ոչ այլ ոք էր, քան Լիդիայի արքա Սադիատտեսը՝ Արգիսի որդին: Ընդ որում առաջինը չի դիտվում որպես արքա, այլ միայն արքայորդի, քանի որ «Պայապիս» անունը ստուգաբանվում է Հայերեն պալազատ «ժառանգորդ, գահաժառանգ» բառի միջոցով. «Պայապիս» պիտի նշանակեր ընդամենը «Արգիսի Հաջորդ, թագաժառանգ» (Պայապիս անվան երկրորդ բաղադրիչ «Ապիսը» գիտվում է որպես Արգիսի աղավաղված ձևը):

Եվ, վերջապես, Բ.Հարությունյանը եզրակացնում է. «Հայոց պատմության մեջ բացառվում է որևէ մեկ այլ ժամանակաշրջան, որ հայերից հաջողված լինի իշխել հիշյալ տարածքներից, ուստի թե Կեսարիայի շրջանը և թե Ուոհան կարող էին գրավված լինել VII դարի վերջին երեսնամյակում» (էջ 70):

Այժմ փորձենք տեսնել, թե որքանով է փաստարկված հեղինակի վարկածը՝ կապված էրիմենա-Արամի փոքրասիական հեռահար արշավանքի հավաստիության հետ: Հնարավոր էր արդյոք նման արշավանք մ.թ.ա.VII դարի վերջին քառորդում: Մի կողմ թողնելով խնդրի լեզվաբանական մասը (Պոռտին Արմենիա, Պայապիս Քաաղեայ), ներկայացնենք ուսումնասիրվող ժամանակաշրջանի Առաջավոր Ասիայի քաղաքական իրադարձությունների օբյեկտիվ պատկերը, որ բավական հստակ գծագրվում է գերազանցապես ասորեստանյան արձանագրությունների, ավելի նվազ չափով՝ անտիկ աղբյուրների հետազոտության շնորհիվ:

ԱՌԵՎԵԼՅԱՆ ՓՈՔՐ ԱՍԻԱՆ Մ.թ.Ա. VII դԱՌՈՒՄ

Մ.թ.ա.705 թ. Թաբալում (Հարավային Փոքր Ասիա) Սարգոն II-ի կրած ճակատագրական պարտությունից⁴ Հետո Ասորեստանի գերիշխանությունը Տավրոսից Հյուսիս ընկած փոքրասիական երկրների և Դաշտային Կիլիկիայի (ասորեստանյան աղբյուրներում՝ Կուե) նկատմամբ փաստորեն դարձավ ձևական, եթե ոչ ընդհանրապես վերացավ⁵:

Սարգոնի Հաջորդ Սինաքերիբի (մ.թ.ա.704–681 թթ.) օրոք ասորեստանյան զորքերը երկու անգամ՝ մ.թ.ա. 696 և 695 թթ., փորձեցին վերահաստատել իրենց կորսված ազդեցությունը: Առաջին դեպքում արշավանքն ուղղված էր Թաբալյան Իլլուբրու քաղաքի կառավարիչ Կիրուայի, նրա դաշնակից Խիլակուի և Ինդիրա ու Տարգու (վերջին երկուսը՝ անտիկ աղբյուրների Անխիալե և Տարսուս) քաղաքների դեմ⁶: Երկրորդը Թիլգա-րիմնուում պետություն հիմնած ոմն Գուրդիի դեմ ձեռնարկված արշավանքն էր⁷: Երկու դեպքում էլ, չնայած Սինաքերիբի հավաստիացումներին, Հաշվի առնելով քիչ ավելի ուշ շրջանի իրադարձությունները, Ասորեստանի Հաջորդությունները անվերապահորեն կարելի է անցողիկ համարել:

Սինաքերիբի որդու՝ Ասարհադդոնի (մ.թ.ա.680–669 թթ.) արձանադրությունները կարևոր տեղեկություններ են Հաջորդում Տավրոսից Հյուսիս ընկած արևելափոքրասիական երկրներում տիրող իրավիճակի մասին: Այսպես, մ.թ.ա.679 թ. Ասարհադդոնը Խուրուչնայում (Թաբալի տարածքում)⁸ պարտության է մատնում կիմմերական առաջնորդ Թեուզային⁹: Երկու տարի անց՝ մ.թ.ա.677–676 թթ. նա Հաշվեհարդար է տեսնում Կուենդուի և Սիսուի (Դաշտային Կիլիկիայում, Հետագայի Անարդարա և Սիս)

4 A. K. G r a y s o n. Assyrian and Babylonian Chronicles. Locust Valley/New York, 1975, Chr.1, p.76; J. D. H a w k i n s. The Neo-Hittite States in Syria and Anatolia.— In: Cambridge Ancient History, V. III/1, 1982, p. 422.

5 Այս ժամանակաշրջանի իրադարձությունների մասին տե՛ս J. D. H a w k i n s. Cambridge Ancient History. Vol.III/1, 1982, p.420 ff.; И. М. Д ь я к о н о в. Малая Азия и Армения около 600 г. до н.э. и северные походы вавилонских царей.—Вестник древней истории, 1982, N1, с.47 сл.; Տես Ա. Քոսյան. Տուն Թորգոմայ. Երևան, 1998, էջ 28–32:

6 D. D. L u c k e n b i l l. Ancient Records of Assyria and Babylonia. Vol.II, Chicago, 1927 (ARAB), §§ 286-289. Իլլուբրուն նույն է, ինչ խեթական աղբյուրների Ellibra-ն և Սարգոն II-ի կողմից հիշատակվող Ellibir-ը: Առաջարկվել է նույնացնել ժամանակակից Նեմրունի (միջնադարյան Լամբրոն) Հետ (E. F o r r e r. Die Provinzeinteilung des assyrischen Reiches. Leipzig, 1920, S.79):

7 ARAB II, թթ 290–292.

8 Խուրուչնան նույն է ինչ խեթական աղբյուրների Խուպե/իսնա, անտիկ աղբյուրների Կիրիստրան. տեղագրվում է ժամանակակից Էրեղլի քաղաքից շուրջ 15կմ արևելք՝ Կարահյուսի կոչվող բլրի տեղում (J.Garstang and O.R.Gurney. The Geography of the Hittite Empire. London, 1959, p.72, n.1):

9 ARAB II: թ 516, 530, 546; նաև A. K. G r a y s o n. Assyrian and Babylonian Chronicles, Chr.14, line 9, p.125.

արքա Սանդուարրիի հետ¹⁰: Անհաջող էր Ասարհադդոնի մ.թ.ա.675 թ. արշավանքը ընդդեմ Մելիդի արքա Մուգալլուի: Այդ է վկայում այն փաստը, որ արքայի պաշտոնական արձանագրություններում արշավանքի մասին ուրեք հիշատակություն չկա. մեր տեղեկությունը պահպանվել է միայն չեզոք աղբյուրում՝ Բաբելոնյան ժամանակագրություններում¹¹: Մասնագետների միահամուռ կարծիքով, այս պահին Մուգալլուն Ասորեստանից լիովին անկախ կառավարիչ էր, ինչպես և նրան ժամանակակից, հարևան Թաբալի կառավարիչ Իշկալուն¹²:

Այսպիսով, մ.թ.ա.705 թ. մինչև Աշշուրբանապալի կառավարման սկիզբն ընկած ժամանակաշրջանը արևելյան և հարավ-արևելյան Փոքր Ասիայում Սարգոն II-ի երկու հաջորդներին՝ Սինաքերիբի և Ասարհադդոնի օրոք տեղի էր ունենում մի քաղաքական պրոցես, որը կարելի է բնորոշել հետևյալ կերպ:

Սարգոնի փոքրասիական քաղաքականության հետևանքով այս տարածաշրջանի լուսավիական պետությունները անկում ապրեցին: Դրանում, թերևս, վճռորոշ դեր խաղաց լուսավիական պետությունների արքայատոհմերի, ազնվականության և ընդհանրապես բնակչության լայն զանգվածների տեղահանությունը, որը լավ վկայված է ասորեստանյան տեքստերում¹³: Սակայն լուսավիական պետականության անկումը Ասորեստանին չտվեց սպասված արդյունքները, քանի որ այն ուղեկցվում էր մեկ այլ պրոցեսով՝ տարածաշրջանում նկատվում էր քաղաքական նոր ուժերի վերելք: Մ.թ.ա.VII դարի առաջին կեսին այստեղ հիշատակվող Մելիդի, Թաբալի և Խիլակուի պետությունները, անկասկած, այլ էթնիկական բովանդակություն ունեին: Այդ մասին պարզորոշ վկայում են ինչպես դրանց արքաների ոչ խեթա-լուսավիական անունները (Գուրդի, Մուգալլու, Իշկալու)¹⁴, այնպես էլ լուսավիական պետություններում լայնորեն կիրառվող պաշտոնական գրի (փոքրասիական հիերոգլիֆիկայի) ավանդույթի կտրուկ ավարտը:

10 Սիսուեն նույնն է ինչ Կիլիկյան պետության Սիս մայրաքաղաքը, իսկ Կունդուն՝ Անարզարան (M. G o u g h. Anazarbus.— Anatolian Studies 2, 1952, p.91ff.):

11 A. K. G r a y s o n. Op.cit., Chr.14: MU VI^{am} ummani^{me} kur AŠ-Šur ana kur Mi-li-du [ittal]ku^{mes} ina muhhi "Mu-gal-lu ittadu^{mes} «վեցերորդ տարի. Ասորեստանի գործը [արշավ]եց Մելիդ (և) ճամբար դրեց Մուգալլուի դեմ» (p.126): Բաբելոնյան ժամանակագրություններում սովորաբար տրվում է իրադարձությունների օբյեկտիվ շարադրանքը, առանց մեկնաբանությունների: Եթե Ասարհադդոնը գրաված լիներ Մելիդը, ապա դա անպայման կնշվեր, ինչպես առկա է նույն տեքստում հիշատակվող մյուս իրադարձությունների առնչությամբ: Օրինակ, նախորդող հատվածում խոսվում է Սիդոնի արքայի գլխատման մասին:

12 J. D. H a w k i n s. Cambridge Ancient History. Vol.III/1, 1982, p. 428; И. М. Д ъ я к о н о в. Малая Азия и Армения..., с.60.

13 Տե՛ս Ա. Ք ո ս յ ան. Տուն Թորգոմայ, էջ 18–19:

14 Այս անուններից առաջինի կապը Փոյուզիայի արքա Գորգիոսի անվան հետ ակնհայտ է, սակայն պարզ չէ դրա ծագումը: Ինչ վերաբերում է հաջորդ երկուսին, ապա դեռևս հայտնի չեն դրանց հստակ զուգահեռները ինչպես փոքրասիական, այնպես էլ մյուս լեզուներում:

Փոքր Ասիայի լուսիական պետականության այսօրինակ էվոլյուցիայի կրողները խնդիրը առայժմ մասնագետների շրջանում լուրջ քննարկման նյութ չի դարձել, որի սլատառը գլխավորապես Համաժամանակյա սկզբնաղբյուրների պահպանած սուղ տեղեկություններն են: Դրանք, փաստորեն, սահմանափակվում են Մելիգի և Թաբալի վերոհիշյալ մի քանի արքայանուններով: Կարելի է արգյոք այստեղ տեսնել կիմմերներին: Այս տարբերակը մասնագիտական հրատարակություններում առկա է բավական վաղուց, կապված մ.թ.ա. 705 թ. Սարգոնի Հակառակորդ Գուրգիի անվան կիմմերական պատկանելության մասին ենթադրության հետ: Սակայն այժմ, հիմնավոր փաստերի ճշման տակ, պիտի հրաժարվել Գուրգիի կիմմերական ծագման մասին ենթադրությունից, որը ավելի մտահայեցողական է, քան հենվում է որևէ լուրջ փաստարկի վրա: Բանն այն է, որ Գուրգի անունը արևելյան Փոքր Ասիայում վկայված է դեռ մ.թ.ա. 718 թ. սկսած, ի դեմս Թաբալյան երկրներից մեկի՝ Ատունայի արքա Կուրտիսի¹⁵: Վերջինս ներկայացնում էր մի արքայատոհմ, որն իշխել է այստեղ առնվազն մ.թ.ա. VIII դարի կեսերից, եթե ոչ ավելի վաղ: Դատելով մ.թ.ա. VIII դարի վերջին քառորդում Ասորեստանի և փոքրասիական պետությունների փոխհարաբերություններից, Թաբալի տարածքում արդեն այս շրջանում ոչլուսիական տարրը սկսում է զգալի ակտիվություն ցուցաբերել: Ընդ որում, հենվելով Սարգոն II-ի տեքստերի վրա, կարելի է մեծ հավանականությամբ պնդել, որ Ասորեստանի արքան սկզբնական շրջանում որոշակիորեն օգտագործել է այս ուժերին ընդդեմ տեղի լուսիական արքայատոհմերի անջատողական քաղաքականության¹⁶: Կիմմերների ներկայության համար մ.թ.ա. VIII դարի կեսերը շատ վաղ է: Այստեղ նրանց մասին առաջին հավաստի հիշատակությունը հաջորդ մ.թ.ա. VII դարի 70-ական թթ. է վերաբերում: Խոսքը կիմմերների կողմից Փոյուզիայի մայրաքաղաք Գորդիոնի նվաճման և նրա արքա Միդասի ինքնասպանության մասին է¹⁷: Շուրջ երեսուն տարի անց՝ մ.թ.ա. 644 թ. Աշշուրբանապալի ժամանակաշրջանի տեքստերը հայտնում են կիմմերական առաջնորդ Թուգդամմեի (նույնն է ինչ անտիկ աղբյուրների Լիգդամիսը՝ Λιγδαμισ) կողմից Լիդիայի մայրաքաղաք Աարդեսի նվաճման և մարտում նրա արքա Գիգեսի (Գուգգու) զոհվելու մասին¹⁸:

Վերոհիշյալը թույլ է տալիս ենթադրելու, որ կիմմերներն իրոք գործել են արևելյան Փոքր Ասիայում և հարակից շրջաններում, սակայն նրանք չեն եղել նախկին լուսիական պետությունների տարածքում նոր պետականությունների ստեղծողները:

15 Ա. Քոսյան. Տուն Թորգոմայ, էջ 18:

16 Նույն տեղում, էջ 61–63:

17 Եվսերիոս Կեսարացին Միդասի մահը թվագրում է մ.թ.ա. 696 թ., որը շատ վաղ է կենտրոնական Փոքր Ասիայում կիմմերների ներկայության համար (տե՛ս ստորև տեքստում):

18 ARAB II: 8 785.

Այժմ անցնենք մեզ Հետաքրքրող իրադարձությունների Հանգամանալի քննությունը:

Աշշուրերանապալի կառավարման վերջին շրջանով թվագրվող տեքստերից մեկում Հայտնվում է Հետևյալը. «Մուգալլուն՝ Թաբալի արքան, ով թշնամակամ խոսքեր էր ասում արքաներին՝ իմ հայրերին, մեծ բաժինքով Նիմվե բերեց դստերը՝ իր արյունից, որպես իմ հարձ և համբուրեց ոտքերս: Մուգալլուի վրա ես տարեկան հարկ դրեցի մեծ ձիերով»¹⁹: Տեքստում հիշատակվող իրադարձությունը թվագրվում է Աշշուրերանապալի կառավարման առաջին տարիներով:

Ասորեստանի արքայի վերամբարձ ոճը, իհարկե, չի կարող նշանակել Թարալի արքա Մուգալլուի՝ գրան նախորդած պարտություն կամ անմիջական գերիշխանություն: Այդ մասին է վկայում նույն իրադարձությունը հիշատակող մեկ այլ տեքստ, ըստ որի «Առանց կովի ցա Նիմվե (դեսպան) ուղարկեց, խնդրելով իմ տիրապետությունը»²⁰: Նույն տեքստում հիշատակվում է խիլակուրի արքա Սանդասարմեի նույնանման քայլը²¹: Թարալի և խիլակուրի արքաների Հետ առնչվող իրադարձությունները թվագրվում են Աշշուրերանապալի կառավարման առաջին տարիներով:

Այստեղ են առաջին անգամ հիշատակվում Լիգիան և նրա արքա Գիգեսը. «Գուգուն, Լիգիայի արքան, երկիր, որը ծովի մյուս կողմում է, հեռավոր վայրում, որի անունը արքաները՝ իմ հայրերը չէին լսել, իմ աստված Աշշուրը, իմ արարիչը ստիպեց ցրան տեսնել ինձ երազում: Ծնկի իջիր և բռնիր Աշշուրբանապալի ոտքերը...»²²: Այնուհետև խոսվում է այն մասին, որ Գիգեսը երազի տպավորության տակ դեսպան է առաքում Ասորեստան՝ ողջունելու Աշշուրերանապալին. լիգիական դեսպանը Ասորեստանի արքային է Հանձնում երկու շղթայակապ կիմմերական առաջնորդների, որոնք գերվել էին լիգիացիների դեմ մղված մարտում:

Նույն տեղում Հայտնվում է Ասորեստանի նկատմամբ Գիգեսի թույլ տված թշնամական արարքի և մահվան մասին²³: Մասնավորապես ասվում է, որ Գիգեսն այնուհետև այլևս դեսպան չի ուղարկել Ասորեստան, որպեսզի նրա միջոցով կարողանար ստանալ Աշշուրերանապալի ողջունը: Փոխարենը նա օգնական զորք է ուղարկում Եգիպտոսի արքային (Պսամմետիքոս I), որն այդ պահին արդեն թոթափել էր Ասորեստանի լուծը: Այդ պատճառով Աշշուրերանապալը անիծում է Գիգեսին, որից Հետո կիմմերները ներ-

19 ARAB II: §§ 781, 848. Այս և ստորև հղվող երեք հաղորդումները (խիլակուրի և Լիգիայի մասին) գալիս են այսպես կոչված «Ռասսամի գլանից», որը թվագրվում է Շամաշ-դանինի էպոնիմության տարով (մ.թ.ա.644–636 թթ. միջև):

20 ARAB II: § 911.

21 ARAB II: §§ 782, 848.

22 ARAB II: §§ 784, 849 (ասվում է, որ կիմմերական առաջնորդները բերվել են երկաթե վանդակի մեջ դրված), 909, 910.

23 ARAB II: § 785.

խուժում են Լիդիա և սպանում նրան: Գա՛հի վրա Գիգեսին փոխարինած որդին ընդունում է Աշշուրբանապալի գերիշխանությունը:

Ինչ եզրակացությունների կարելի է հանգել Աշշուրբանապալի վերը հղված տեքստերի հիման վրա:

1. Թաբալը (=նախկին Մելիդի և բուն Թաբալի տարածքը) և Խիլակ-կուն չեն նվաճվել Ասորեստանի կողմից: Դեսպանության առաջումը Ասորեստան կարելի է վստահաբար դնահատել որպես նոր գահ բարձրացած Աշշուրբանապալի հետ նորմալ հարաբերություններ հաստատելու փորձ, հատկապես վերջինիս հոր՝ Ասարհադդոնի հետ Մուդալլուի ունեցած թշնամական հարաբերությունների պայմաններում (մ.թ.ա.675 թ. արշավանքը, տես վերը):

2. Լիդիայի արքա Գիգեսի դեսպանությունը Ասորեստան, որը նույնպես թվագրվում է Աշշուրբանապալի կառավարման առաջին տարիներով (հարկ է նշել, որ Գիգեսի դեսպանությունը հիշատակվում է Թաբալի և Խիլակունի դեսպանությունների մասին պատմող միևնույն տեքստերում), ակնհայտորեն ուղղված էր կիմմերների դեմ Ասորեստանի օգնության ակնկալմանը:

3. Կիմմերների կողմից Լիդիային հասցված ծանր պարտությունը, Գիգեսի զոհվելը և նրա որդու դեսպանությունը Ասորեստան պիտի տեղի ունենար նախորդ կետերում հիշատակված իրադարձություններից շուրջ քառորդ դար հետո, այսինքն, մ.թ.ա.644 թ. մոտերքում:

Այժմ հետագա իրադարձությունների մասին:

Մ.թ.ա.644 թ. կիմմերները Թուզդամմեի դիլավորությունը դրավում են Լիդիայի մայրաքաղաք Ասրդեսը. Գիգեսը զոհվում է մարտում: Այս իրադարձության մասին տեղեկություններ են պահպանվել ինչպես սեպագրական, այնպես էլ անտիկ աղբյուրներում²⁴: Հոր մահից հետո Գիգեսի որդին՝ Արդիսը դեսպանություն է ուղարկում Ասորեստան, հավանաբար, ակնկալելով վերջինիս աջակցությունը կիմմերների նոր արշավանքի դեպքում: Հետագա իրադարձությունների մասին պահպանվել են բավական հստակ տեղեկություններ: Նինվեից հայտնաբերված մի տեքստում²⁵, որը թվագրվում է մոտավորապես մ.թ.ա.640 թ., հիշատակվում է Թուզդամմեն՝ «Սակայի և Գուտումի արքան» (տեքստում ներկայացված են քիչ ավելի

24 Sbu W. R o l l i g. Gyges.— In: Realexikon der Assyriologie, Bd.III/9, 1971, S.720f.

25 R. C a m p b e l l - T h o m p s o n and R. W. H u t c h i n s o n. The British Museum Excavations at Nineveh, 1931-32.—Annals of Archaeology and Anthropology 20, 1933, lines 141ff., 158ff. Մ.թ.ա.639թ. հետո կազմված մի ասորեստանյան տեքստում (VS 20) Թուզդամմեն կոչվում է «Ումման-մանդայի արքա»: «Սակերի արքա» ընթերցումը, որ ընդունվում է մասնագետների մեծ մասի կողմից, այնուամենայնիվ, որոշ կասկածների տեղիք է տալիս. առաջարկվել է նաև LUGAL Šad-da!-a-a-u Gu-tu-um^{K1} տարբերակը («Լեռնցիների (և) Գուտումի արքա»): Ասարհադդոնի և Աշշուրբանապալի օրոք «Ումմանմանդա» տերմինի կիրառության համար տե՛ս G. K o m o r ó c z y. Umman-Manda.— Acta Antiqua Academiae Scientiarum Hungaricae. T.XXV, Fasc.1-4, 1977, S.43 ff.

վաղ շրջանի իրադարձությունները): Այստեղ խոսվում է Թուգադամմի և Թաբալի արքա Մուգալլուի որդու դաշինքի մասին: Ըստ տեքստի, սկզբում Թուգադամմեն արշավել է դեպի Ասորեստանի հյուսիս-արևմտյան սահմանները, սակայն, փոխելով մտադրությունը, դադարեցրել է թշնամական գործողությունները և նույնիսկ հարկ ուղարկել Ասորեստան: Բայց որոշ ժամանակ անց նա կրկին սկսել է թշնամական գործողությունները, այնուհետև հիվանդացել է և մահացել²⁶: Այս իրադարձության մասին կա մեկ այլ հիշատակություն²⁷: Թուգադամմի մահից հետո նրան հաջորդել է որդին՝ Աանգաբջատրուն:

Վերոհիշյալ աղբյուրներից բխում են կարևոր եզրակացություններ:

Սարգեսի գրավման և Գիգեսի մահվան տարում (մ.թ.ա.644 թ.) Թաբալի և Թուգադամմե-Լիգգամիսի պետության միջև հաստատվել էին դաշնակցային հարաբերություններ: Մուգալլուին փոխարինել էր նրա որդին²⁸, որի անվան միայն վերջավորությունն է սլահպանվել՝ [...]ուսսի²⁹: Թուգադամմի կիմմերների և Թաբալի ու Նիլակկուի փոխհարաբերությունների մասին նախորդող փուլում որևէ տեղեկություն հայտնի չէ: Սակայն որոշ փաստարկների ճշման տակ կարելի է ենթադրել, որ դրանք առնվազն թշնամական չեն եղել: Ստորև ներկայացնենք այդ հարաբերությունների խնդիրը վերը շարադրված նյութերի հիման վրա:

Այսպես, կիմմերների առաջին հիշատակությունը Թաբալում թվագրվում է մ.թ.ա. 679 թ., երբ Ասարհադգոնին հաջողվեց պարտության մատնել նրանց առաջնորդ Թեուշպային: Այս իրադարձությունից չորս տարի անց Ասարհադգոնը անհաջող արշավանք է կազմակերպում Մելիգի արքա Մուգալլուի դեմ: Իսկ Աշշուբբանապալի կառավարման սկզբներին Մուգալլուն արդեն միացյալ Մելիգ-Թաբալի արքան էր: Ընդհուպ մինչև Թուգադամմե-Լիգգամիսի կողմից Սարգեսի նվաճումը կիմմերները բնակվել և գործել են արևելյան Փոքր Ասիայում, ընդ որում դաշնակցելով Թաբալի արքայի՝ Մուգալլուի որդու հետ:

Կիմմերների և Մելիգ-Թաբալի թագավորության փոխհարաբերությունների խնդրի պարզաբանումը անխուսափելիորեն առաջադրում է եր-

26 Թուգադամմե-Լիգգամիսի մահվան մասին տեղեկություններ են հաղորդվում նաև անտիկ աղբյուրներում (Կալլիմաքոս, Ստրաբոն, Հեսիքիոս, հղվում է ըստ A. Spalinger. The Date of the Death of Gyges and its Historical Implications.– Journal of American Oriental Society 98, 1978, N4, p.407, n.38): Ըստ դրանց, Լիգգամիսը սպանվել է Կիլիկիայում:

27 M. Streck. Assurbanipal und die letzten assyrischen Könige bis zum Untergange Ninivehs. Leipzig, 1916, VS 20.

28 Հայտնի է, որ Մուգալլուն դեռ կենդանի էր մ.թ.ա. 651 թ. (տե՛ս F. M. Fales. Notes on Some Nineveh Horse Lists – Assur I/3, 1974, p.144): Այս եզրակացությունը հենվում է մ.թ.ա.651թ. թվագրվող մի տեքստի վրա, որտեղ հիշատակվում է նույն տարում Մուգալլուի՝ Ասորեստան ուղարկված հարկը (589 ձի և 8 ջորի):

29 R. Campbell – Thompson and R. W. Hutchinson. Annals of Archaeology and Anthropology 20, 1933, p.88.

կու այլ կարևոր պրոբլեմներ, այն է, 1) որտեղ էր գտնվում կիմմերների բնակավայրի տարածքը, 2) ինչն էր միավորում երկու քաղաքական ուժերին:

Առաջին հարցի սլատասխանը, թվում է, կապված է մեծ ընդհանրությունների հետ: Մելիդ-Թաբալի տարածքը հիմնական գծերով կարելի է ներկայացնել, հենվելով նախորդ մ.թ.ա.VIII դարի հայտնի աղբյուրների վրա: Այս պետությունը պիտի ընդգրկեր մոտավորապես արևելքում Եփրատից մինչև արևմուտքում Հալիսի մեծ ոլորանի շրջանը, ներառելով ժամանակակից Կայսերին՝ անտիկ աղբյուրների Արգեոս լեռան հետ միասին, հարավում բնական սահման ունենալով Տավրոսի լեռնաշղթան³⁰: Նկատի ունենալով կիմմերների առաջնորդ Թեուզպայի գեմ Ասարհագգոնի մղած ճակատամարտը Խուբուզնայի շրջանում (անտիկ աղբյուրների Կիբիստրա, ժամանակակից Էրեղլի), կիմմերների հաճախակի արշավանքները դեպի Լիգիա, ինչպես նաև հայկական աղբյուրներում Կապադոկիային տրվող Գամիրք անվանումը, նրանց կարելի է մոտավորապես տեղադրել Մելիդ-Թաբալից հյուսիս, հյուսիս-արևմուտք:

Շատ ավելի բարդ է երկու քաղաքական միավորների փոխհարաբերությունների բնույթի պարզաբանումը: Ինչ հիմքի վրա էր ձևավորվել նրանց դաշինքը: Հաշվի առնելով կիմմերների ակնհայտ հակալիդիական և հակասորեստանյան դիրքորոշումը, կարելի էր ենթադրել գրանում նաև Մելիդ-Թաբալի մասնակցությունը: Սակայն առնվազն մ.թ.ա.668–651 թթ. ընթացքում Աշշուրբանապալի տեքստերում վկայված Մուգալլուի լոյալությունը Ասորեստանի նկատմամբ ստիպում է խուսափել Մելիդ-Թաբալին նմանօրինակ դիրքորոշում վերագրելուց: Համենայնդեպս, միայն Մուգալլուի որդու շրջանում կարող էր կիմմերների հետ դաշինքը կրել հակասորեստանյան բնույթ, այն էլ վերապահումներով:

Կիմմերների և Մելիդ-Թաբալի փոխհարաբերությունների խնդրի առնչությամբ ծագում է մի հարց, որի լուծումը կարևոր նշանակություն ունի ուսումնասիրվող ժամանակաշրջանի էթնոքաղաքական պատմության ընկալման համար: Ինչպես կարող էր պատահել, որ ենթադրաբար Կովկասյան լեռնանցքներից մեկով Առաջավոր Ասիա ներթափանցած քոչվոր կիմմերները, որոնց ավերիչ արշավանքներն ընդգրկեցին Ուրարտուից մինչև Լիգիա ընկած վիթխարի տարածքը, որևէ վնաս չպատճառեցին Մելիդին և Թաբալին: Ավելին, ինչպես տեսանք վերը, նրանց միջև առկա էին եթե ոչ դաշնակցային, ապա, առնվազն, նորմալ փոխհարաբերություններ:

Այսպես, Մելիդը գոյատևեց ինչպես մ.թ.ա.679 թ. Խուբուզնայի ճակատամարտի շրջանի իրադարձությունների (տես վերը) և մոտավորապես մ.թ.ա.675 թ. կիմմերների կողմից Փոյուզիայի մայրաքաղաք Գորդիոնի

30 Մելիդ-Թաբալի թագավորության տարածքը, թվում է, պիտի ավելի ընդարձակ լիներ, ներառելով նաև Եփրատից արևելք ընկած որոշ շրջաններ:

նվաճման փուլում, այնպես էլ մ.թ.ա.640-ական թթ.: Այս առթիվ հարկ է նշել, որ Գ.Ա.Մելիքիչվիլու տեսակետը, թե կիմմերների փոյուզական արշավանքը տեղի է ունեցել Ուրարտուի արքա Ռուսա II-ի և Թուգզամմե-Լիգգամիսի միջև կնքված դաշինքի պայմաններում³¹, որևէ լուրջ հիմնավորում չունի: Ըստ հեղինակի, այս իրադարձությունն արտացոլված է Ռուսա II-ի Ագրլեազի արձանագրության մեջ, որտեղ հիշատակվում են «Մուշկինի, Նաթե և Նալիտու երկրները»: Այսօր մասնագետների զգալի մասը գտնում է, որ Ռուսա II-ի արշավանքի նպատակակետ հանդիսացող այս երկրներից առաջինը՝ Մուշկինին պիտի փնտրել արևելյան Փոքր Ասիայում, քանի որ հաջորդ երկուսը ակնհայտորեն այս տարածաշրջանի երկրներ են (Նաթե=Մելիդ, Նալիտու=Հայկ. Նաղտիք)³²: Եթե այս ենթադրյալ ուրարտա-կիմմերական միացյալ արշավանքը դեպի Մելիդ և Փոյուզիա իրոք տեղի ունենար, ապա հազիվ թե Մելիդը ի վիճակի լիներ պահպանելու իր ինքնուրույնությունը: Հատկապես եթե հիշենք, որ նույն շրջանում՝ մ.թ.ա. 675 թ. Մուգալլուն ստիպել էր Ասարհադոնին ձեռնունայն ետ վերադառնալ իր մայրաքաղաքի դարպասների մոտից (տես վերը): Եթե փորձենք վերականգնել մ.թ.ա.670-ական թվականների իրադարձությունների տրամաբանությունը, ապա կարող ենք հանգել բավական հետաքրքիր եզրակացությունների:

Որպես մեկնակետ ելնենք այն լուբլյայն ընդունվող և գրեթե չվիճարկվող ենթադրությունից, որ մ.թ.ա. 714 թ. մոտերքում Ուրարտուի դեմ արշաված կիմմերները դրանից հետո ինչ-որ պահ շրջվել են դեպի արևմուտք՝ Փոքր Ասիա: Համենայնդեպս, նման ենթադրության համար բոլոր հիմքերը կան, քանի որ կիմմերների հետագա շրջանի բոլոր հիշատակությունները կապվում են այս տարածաշրջանի հետ: Երբ կարող էր դա տեղի ունենալ: Այս հարցադրումը կարևոր է այն առումով, որ մեզ բավական լավ հայտնի է Մելիդ-Թաբալի տարածքում մ.թ.ա.VIII դարի վերջին քառորդի – VII դարի առաջին կեսի ընթացքում տեղի ունեցած իրադարձությունների ընդհանուր պատկերը: Փորձենք բնութագրել տվյալ ժամանակահատվածի իրադարձությունները՝ Մելիդ-Թաբալի պատմության անցքերի լույսի տակ:

1) Մ.թ.ա.714–705 թթ.: Ուրարտուի նկատմամբ տարած հաղթանակից մինչև Մելիդ-Թաբալում ասորեստանյան տիրապետության ավարտը (Սարգոն II-ի պարտությունը և վախճանը ճակատամարտում):

Եթե կիմմերները հայտնվել են այս փուլում, ապա նրանք պիտի կամ անմիջապես ներգրավվեին թաբալյան Ատունա պետության հակասորեստանյան քաղաքականության ոլորտը, կամ ուղղակի անմասնակից մնային

31 Г. А. М е л и к и ш в и л и. Наири-Урарту. Тбилиси, 1954, с.314 сл.; նույն կարծիքին է Ի. Մ. Դյակոնովը՝ И. М. Дьяконов. Предыстория армянского народа. Ереван, 1968 (далее ПАН), с.171.

32 И. М. Дьяконов. ПАН, с.171.

այդ իրադարձություններին: Նկատի ունենալով կիմմերների ուղղակի մեծ պոտենցիալը, որի վկայությունը նրանց զգալի ակտիվությունն էր Փոքր Ասիայում Ասարհազդոնի և Աշշուրբանապալի կառավարման շուրջ կեսգարյա ժամանակահատվածում, կարելի է ենթադրել, որ այս պահին կիմմերները դեռևս մուտք չէին գործել Փոքր Ասիա: Այլապես դժվար կլիներ բացատրել, թե ինչով էր զբաղված այստեղ ուղղակի մեծաքանակ և շարժունակ այս էթնիկական խումբը: Կամ ինչու պիտի կիմմերները միանգամից Համագործակցեին Ատունայի հետ, եթե նրանց նպատակը Փոքր Ասիայում հիմնավորվելն էր:

2) Մ.թ.ա.705–695 թթ.: Արևելյան Փոքր Ասիայում Ասորեստանի տիրապետության անկումից մինչև Սինաքերիբի արշավանքը Թիլզարիմում: Այս տասնամյակի ընթացքում Թիլզարիմում Գուրդիի պետության ստեղծումը:

Կիմմերների հայտնվելը չի բացառվում, սակայն նրանց ներկայության որևէ հետք վկայված չէ: Գլխավոր քաղաքական ուժը Գուրդիի պետությունն էր, որը, ամենայն հավանականությամբ, Թաբալյան Ատունայի ժառանգորդն էր³³:

3) Մ.թ.ա.695–679 թթ.: Կիմմերների զալստյան ամենահավանական շրջանը, քանի որ մ.թ.ա. 679թ. նրանք Թաբալում բախվել են Ասարհազդոնի զորքի հետ: Այս մասին կարելի է գատել նաև Թեոլոգայի նկատմամբ տարած հաղթանակի վերաբերյալ Ասարհազդոնի տեքստի հիման վրա:

«Եվ [Կիմմեր Թեոլոգայից, ումնա մանդայից, ում տունը հետո է գտնվում], ես կտրեցի սրով (խուբուշնա երկրում՝ իր ողջ զորքի հետ միասին)»³⁴:

Ճակատամարտի այս համառոտ նկարագրության մեջ, մեր կարծիքով, կարևոր տեղեկություններ են պարունակվում: Խուբուշնան խեթական աղբյուրների Խուսեսնանն է, անտիկ աղբյուրների Կիբիստրան (ժամանակակից էրեզլին)՝ Թաբալի արևմուտքում: Եթե Թեոլոգայի մասին ասվում է, որ նրա բնակավայրը հեռու է գտնվում, նշանակում է, կիմմերները նոր էին հայտնվել այս վայրերում և զեռ չէին հասցրել հիմնավորվել: Կիմմերների ներկայությունը Թաբալի արևմուտքում՝ Խիլակկուի սահմանների մոտ, կարելի է գնահատել որպես ավարառուական արշավանք, քանի որ քիչ ավելի ուշ (հավանաբար, նաև այս շրջանում) հազիվ թե կիմմերները հիմնավորվեին այստեղ: Մուգալլուի Մելիդ-Թաբալի անկախ միացյալ պետության և նույնքան անկախ Խիլակկուի գոյությունը Աշշուրբանապալի օրոք (տես վերը) կարող են վկայել այս շրջանում կիմմերական հոծ զանգվածի մշտական բնակության դեմ: Հավանաբար, ճիշտ կլիներ ենթադրել,

33 Ա. Քոսյան. Տուն Թորգոմայ, էջ.28-32:

34 ARAB II: 8 516. Հղվող տեքստի կորսված հատվածները վերականգնվում են Ասարհազդոնի՝ նույն իրադարձության մասին պատմող մեկ այլ տեքստի (ARAB II: 8 530) հիման վրա:

որ Թեոուչայի կիմմերները արևելյան Փոքր Ասիա մուտք գործած առաջին խմբերից մեկն են եղել, որոնք դեռևս նստակյաց չէին դարձել: Համենայն-գեպս, կարելի է ենթադրել երկու այլընտրանքային տարբերակներ. 1) Թեոուչայան կարող էր առաջնորդել Փոքր Ասիայի մեկ այլ վայրում հաստատված կիմմերական զանգվածի մի մասին, 2) քոչվոր կիմմերների ջուրհանները կարող էին աստիճանաբար, ժամանակի ընթացքում ներթափանցել արևելյան Փոքր Ասիա, մի բան, որի դեպքում նրանց և տեղի քաղաքական միավորների փոխհարաբերությունները կարող էին և սուր բնույթ չկրել: Այսինքն, կարելի է ենթադրել մոտավորապես այն նույն իրավիճակը, ինչպիսին վկայված է քիչ ավելի ուշ Առաջավոր Ասիայում հայտնված սկյութների և մարերի փոխհարաբերություններում: Մարերի և ասորեստանցիների պես, արևելափոքրասիական կառավարիչները կարող էին օգտագործել մարտունակ քոչվորների ռազմական ուժը, նրանց տրամադրելով անհրաժեշտ կենսատարածք և ավարառություն լայն հնարավորություններ հարևանների հաշվին (Մելիդե-Թաբալի դեպքում՝ Լիդիայի): Հավանաբար, միայն սրանով կարելի է բացատրել կիմմերների ռազմաքաղաքական ակտիվության ոլորտում գտնվող փոքրասիական երկրների ինքնուրույն կեցվածքը ուսումնասիրվող ժամանակահատվածում:

Այժմ փորձենք բացահայտել ուսումնասիրվող տարածաշրջանում ինտեղուչնայի ճակատամարտին անմիջապես հաջորդած իրադարձությունների ետնախորքը, որտեղ միահյուսված են Առաջավոր Ասիայի մի շարք քաղաքական ուժերի շահերը: Խոսքը մ.թ.ա. 676-673 թթ. բուռն իրադարձություններն են՝ 1) Փռյուզիայի մայրաքաղաք Գորդիոնի նվաճումը կիմմերների կողմից և Միդասի վախճանը, 2) Ռուսա II-ի արդեն նշված արշավանքը դեպի Մուշկինի, Խաթե և Խալիտու, 3) Ասարհազգոնի կողմից Շուբրիայի նվաճումը:

Վերը արդեն նշվեց այն կարծիքը, ըստ որի կիմմերների կողմից Գորդիոնի նվաճումը և Ռուսա II-ի արշավանքը դեպի Մուշկինի և հարևան երկրներ փոխկապակցված իրադարձություններ են, այսինքն, գործ ունենք ուրարտա-կիմմերական դաշինքի հետ ընդդեմ Փոքր Ասիայում հզորացած Փռյուզիայի: Ասկայն իրադարձությունների նման մեկնաբանությունը դժվար է մտնում ժամանակի աշխարհաքաղաքական համատեքստ:

Իրոք, քննարկվող իրադարձությունները փոխկապակցված էին, սակայն ոչ այն առումով, ինչպես ենթադրվում է: Բանն այն է, որ կիմմերների մուտքը Առաջավոր Ասիա ավելի խորացրեց երկու տերություններում՝ Ասորեստանում և Ուրարտուում ավելի վաղ սկսված քաղաքական ճգնաժամը, ապակայունացնող գործոն հանդիսանալով կախյալ երկրների նկատմամբ նրանց ունեցած գերիշխանության պահպանման գործում: Այս պրոցեսը սկսվել էր դեռևս մ.թ.ա. VIII դարի վերջին քառորդում, սակայն մեծ ծավալ ընդունել Ասարհազգոնի և հատկապես Աշշուրբանապալի օրոք: Դրա վառ արտահայտություններից էր Ասորեստանի և Ուրարտուի հեղի-

նակության անկումը նախկին կախյալ երկրների նկատմամբ, Հատկապես նրանց ազդեցության գոտիների հանդիպավայրերում: Այստեղ պարզորոշ նկատվում են կախյալ երկրների անջատողական միտումներ: Ասվածի լավագույն օրինակներից է Շուբրիայի դիպվածը, որը հանգամանորեն քննարկված է մասնագիտական հրատարակություններում³⁵: Ասարհագրոնի մ.թ.ա. 673 թ. արշավանքը դեպի Շուբրիա վկայում է այն մասին, որ Ուրարտուի բնօրրանի անմիջական հարևանությունը գտնվող այս լեռնային փոքր երկիրը ակնհայտորեն հաշվի չէր նստում ինչպես ուրարտական, այնպես էլ ասորեստանյան արքաների հեղինակության հետ: Մերձավոր հարևան Շուբրիայի նկատմամբ գերիշխանության բացակայության ֆոնի վրա Ռուսա II-ի ենթադրյալ արշավանքը դեպի հեռավոր Փոյուզիա՝ կիմմերների հետ գաղնակցած, անտրամաբանական է: Հատկապես եթե նկատի ունենանք, որ տվյալ փուլում Փոյուզիան արգեն որևէ ակտիվություն չէր ցուցաբերում առաջավորասիական տարածաշրջանի քաղաքական իրադարձություններում: Նման արշավանք գծվար է պատկերացնել դրա զրգապատճառների բացակայության տեսանկյունից:

Ռուսա II-ի հիշատակած Մուշկինի երկրի արևելափոքրասիական տեղադրության դեպքում պատկերը կարող է կտրուկ փոխվել: Եթե իսկ ինքնին Մելիդե է, իսկ ինքնին ինքնին՝ ինքնին, ապա պարզ կդառնա, որ Ռուսա II-ի հակառակորդ(ներ)ը այստեղ վերինեփրատյան շրջանի երկրներն էին, որոնցից առնվազն մեկը պիտի Մուզալուի Մելիդե լիներ: Հիշենք նաև, որ այս պահին կիմմերներն արդեն գտնվում էին արևելյան Փոքր Ասիայում (Թեոկլասի կիմմերները): Այս պարագայում, հավանաբար, ավելի շուտ կարելի է խոսել Ուրարտուի ճշման տակ դեպի արևմուտք կիմմերների տեղաշարժի, քան ուրարտա-կիմմերական դաշինքի մասին: Կիմմերները հավասարապես վտանգավոր էին ինչպես Ուրարտուի, այնպես էլ Ասորեստանի համար: Կիմմերական գործոնը կարելի է համեմատել նույն ժամանակներում Առաջավոր Ասիայում հայտնված սկյութների հետ: Հիշենք մ.թ.ա.674–672 թ. Ասորեստանի դեմ մարերի բարձրացրած ապստամբությանը Պարտատուլայի սկյութների մասնակցության փաստը³⁶: Ակնհայտորեն կիմմերները և սկյութները օգտագործվում էին Ուրարտուի և Ասորեստանի ծայրամասային կախյալ երկրների կողմից իրենց անջատողական ծրագրերում: Ավելորդ չի լինի նշել, որ արդեն այս ժամանակաշրջանից նկատվում է Ուրարտուի և Ասորեստանի շահերի մերձեցում, որը վկայված է Աշտուրբանապալի տեքստերում³⁷: Այսուհետև այս երկու պետությունների արտաքին քաղաքական ձեռնարկումներում գերիշխում էր տարածքա-

35 И. М. Дьяконов. ПАН, с.172 сл.

36 ARAB II: §§ 517, 533.

37 Աշտուրբանապալի հիշատակում է Ուրարտուի արքա Ռուսա II-ի գեսպանությունը Հյուսիսային Միջագետքի Արբելա քաղաք՝ երկու երկրների միջև խաղաղություն հաստատելու առաջարկով (ARAB II: §§ 871, 1035, 1046):

յին ամբողջականության պահպանման միտումը: Այսպիսի իրավիճակում արևելափոքրասիական երկրների համար, որոնք քիչ ավելի վաղ փուլում գտնվում էին Ասորեստանի և Ուրարտուի գերիշխանության կամ քաղաքական ազդեցության ոլորտում, կիմմերների հայտնվելը այդ գերիշխանության կամ ազդեցության վերացման լավ հնարավորություն էր ընձեռում:

Ահա այսպես են ներկայանում մեզ մ.թ.ա.VII դարի առաջին քառորդում ուսումնասիրվող տարածաշրջանում տեղ գտած քաղաքական գործընթացները: Սկզբնաղբյուրները հնարավորություն են ընձեռում պարզելու Ասորեստանի կամ Ուրարտուի նկատմամբ կիմմերների և Մելիդ-Թաբալի պետության ձեռնարկած ագրեսիվ քայլերի առկայությունը: Սակայն արդեն Թուգզամմեի մահից հետո, Մադիոսի սկյութների արշավանքը Փոքր Ասիա և այստեղ կիմմերական տիրապետության վերացումը վկայում են նման վտանգի գոյության օգտին: Հայտնի է, որ Պարտատուալի որդի Մադիոսը ինչ-որ պահ հարում է Ասորեստանին և մասնակցում Աշշուրբանապալի դեմ ստեղծված դաշինքի (Մարաստան, Բաբելոնիա, էլամ) ջախջախմանը³⁸: Այս փաստը կարելի է մեկնաբանել հետևյալ կերպ: Հզորացող Մարաստանն այլևս ռազմատենչ սկյութների օգնության կարիքը չէր զգում, մանավանդ որ ուներ էլամի և Բաբելոնիայի պես լուրջ դաշնակիցներ: Աշշուրբանապալը փայլուն կերպով կարողացավ օգտագործել սկյութներին՝ Ասորեստանի քաղաքական հակառակորդների դեմ իր պայքարում: Պետք է ենթադրել, որ Մադիոսի արշավանքը Փոքր Ասիա տեղի է ունեցել ոչ թե Ուրարտուի վրայով, որի հետևանքով այն խիստ թուլացել է, ինչպես ենթադրվում է³⁹, այլ արդեն այս պահին Ասորեստանի բնական դաշնակից Ուրարտուի համաձայնությանը:

Այժմ փորձենք ներկայացնել Փոքր Ասիայում տիրող իրավիճակը Թուգզամմե-Լիգզամիսի գործունեության վերջին փուլում:

Ըստ Աշշուրբանապալի տեքստերից մեկի⁴⁰, մ.թ.ա.644 թ. Սարգեսի գրավումից և Գիդեսի զոհվելուց հետո Թուգզամմեն ինչ-որ պահ բանակցություններ է սկսում Աշշուրբանապալի հետ, սակայն հետո կրկին թշնամական գիրք է բռնում, որի համար էլ պատժվում է աստվածների կողմից և մահանում է: Իսկ մինչ այդ նա դաշինք էր կնքել Թաբալի արքա [...] ուսիի՝ Մուգալլուի որդու հետ⁴¹: Նույն տեղում հաղորդվում է [...] ուսիի

38 Ասորեստանի և սկյութների մերձեցմանը պիտի որոշակիորեն նպաստեր նաև Ասարհադդոնի դստեր ամուսնությունը սկյութների առաջնորդ Պարտատուալի հետ, որը, բնականորեն, ուղղված էր սկյութա-մարական դաշինքի վերացմանը (И. М. Дьяконов. Исследования Мидии. М.-Л., 1956, с.272 сл.): Աշշուրբանապալը կարող էր օգտագործել այս հանգամանքը, եթե, իհարկե, Մադիոսը Ասարհադդոնի դստեր որդին էր:

39 И. М. Дьяконов. ПАИ, с.174.

40 R. Campbell-Thompson and R. W. Hutchinson. Annals of Archaeology and Anthropology 20, 1933, Ishtar Slabs, lines 158ff.

41 I d e m. Ishtar Slabs, lines 141ff.; M. C o g a n, H. T a d m o r. Gyges and Ashurbanipal: A Study in Literary Transmission.— Orientalia 46, fasc.1, 1977, p.80. Փոքր Ասիայում հաստատված կիմմեր-

պատժվելու մասին Աշշուր աստծո կողմից, որից հետո Թաբալը կրկին ստիպված է լինում ընդունելու Ասորեստանի դերիչխանութունը:

Թուրգամմեի մահը թվագրվում է մոտավորապես մ.թ.ա.640 թ.: Ըստ Ասորաբոնի (14.140; 13.48; 13.21), Լիդիայի արքա Արգիսի կառավարման յոթերորդ տարում Սարգեսը նվաճվել է տրերների և լիկիացիների կողմից, որոնց առաջնորդում էր Քոբոսը. զրանից հետո վերջինս պարտվել է Մադիսի կողմից առաջնորդվող սկյութներից: Եթե ընդունենք, որ Ստրաբոնի նշած թիվը ճիշտ է, ուրեմն Սարգեսի երկրորդ նվաճումը պիտի տեղի ունենար Թուրգամմեի մահից երկու-երեք տարի հետո, հավանաբար, Սանդաք-չատրուի օրոք: Իսկ այս իրադարձությունից քիչ անց Փոքր Ասիայում հայտնվում է Մադիսը և վերջ է դնում կիմմերների տիրապետությունը:

Թրակյան տրերների հիշատակությունը՝ լիկիացիների հետ միասին ինքնին արդեն հետաքրքիր է հետևյալ առումով: Աստվածաշնչում տրերների էպոնիմ Թիրասը համարվում է կիմմերների էպոնիմ Գոմերի որդին, որը ակնարկում է այս երկու էթնիկական խմբերի միջև գոյություն ունեցող առնչությունների մասին: Հիմքեր կան ենթադրելու, որ տրերները կիմմերական զանգվածի մասն են կազմել⁴²: Ինչ վերաբերում է լիկիացիներին, ապա ավելի ուշ՝ մ.թ.ա.VI դարում նրանք որպես Կրեսոսի կողմից չնվաճված ժողովուրդ հիշատակվում են Կիլիկիայի լեռնային շրջաններում⁴³, այսինքն, մոտավորապես այնտեղ, որտեղ տեղադրվում է Խիլակուն: Ասվածի հիման վրա կարելի է ենթադրել, որ Սարգեսի երկրորդ նվաճումը պիտի իրականացվեր կիմմերական ցեղերից մեկի կողմից՝ Խիլակունի աջակցությամբ: Որ այս ժամանակաշրջանում Խիլակուն իրենից բավական լուրջ ուժ է ներկայացրել, կարելի է համոզվել ինչպես Աշշուրբանասպալի տեքստերում պահպանված հիշատակություններից (տես վերը), այնպես էլ մ.թ.ա.VI դարում Կիլիկիայի անկախ թագավորության գոյության փաս-

ների և Ասորեստանի միջև մշտապես լարված փոխհարաբերությունների մասին կարելի է անուղղակիորեն եզրակացնել Թուրգամմեին տրվող մակդիրներից: Այսպես, Աշշուրբանասպալի տեքստերից մեկը հետևյալ արտահայտությամբ է բնորոշում այս կիմմերական առաջնորդին՝ *Tug-dam-me-i Šār umman manda tab-nit ti-amat tam-Šil* [gallé] «Ումմամմա-նայի արքա, Թիամմաթի արարվածք, [հրեշ]ակերպ էակ» (M.Streck. Assurbanipal ..., S.280, VS 20):

42 Ուշագրավ է, որ Ստրաբոնը կիմմերներին անվանում է տրերներ (Страбон. География в 17 книгах (пер.Г.А.Стратановского). М., 1964, I,3,21).

43 Հերոդոտոս. I 28. Խիլակուն գտնվում էր Կուեից (Դաշտային Կիլիկիա) Հյուսիս և Հյուսիս-արևմուտք, մոտավորապես Քարոս Կիլիկիայում, այսինքն, այն ներառնում էր լուվիական Թաբալի Հարավային և արևմտյան շրջանները. այս պետության սահմանների ճշգրտման համար տե՛ս L. Zoroğlu. Cilicia Tracheia in the Iron Age: the Khilakku Problem.— In: Anatolian Iron Ages 3. The Proceedings of the Third Iron Ages Colloquium held at Van, 6–12 August 1990 (eds. A. Çilingiroğlu and D.H.French), London, 1994, p.301ff.

տից⁴⁴: Այս ետնախորքի վրա Մադիոսի սկյուլթների արչավանքը Փոքր Ասիա ընդդեմ կիմմերների և կիմմերների ու Թաբալի արքայի հակասորեստանյան դիրքորոշման մասին Աշշուրբանապալի տեքստի հաղորդումը նոր իմաստ է ստանում: Մադիոսի արչավանքը, որ տեղի էր ունեցել մ.թ.ա.637 թ: որոշ ժամանակ անց, պիտի Ասորեստանի քաղաքականության արդյունքը լիներ, որը նման եղանակով փորձում էր չեզոքացնել Հյուսիս-արևմուտքից եկող սպառնալիքը և որոշակի ազդեցություն ձեռք բերել անդրտավրոսյան երկրների նկատմամբ: Ըստ Աշշուրբանապալի, այս ձեռնարկումը հաջողվել էր. կիմմերները վտարվել էին, իսկ Թաբալի արքա [...] ուսսիսի՝ զոհվել էր, որից հետո Թաբալը կրկին անցել էր Ասորեստանի գերիշխանության տակ: Հաղթանակից հետո, ըստ Եվսեբիոսի⁴⁵, սկյուլթները մ.թ.ա.633–632 թթ. հասել էին մինչև Պաղեստին, որին հաջորդել էր նրանց 28-ամյա տիրապետությունը Ասիայում⁴⁶:

Այս պահից սկսած սեպագրական տեղեկությունները արևելյան Փոքր Ասիայի պատմության վերաբերյալ ընդհատվում են: Աշշուրբանապալից հետո Ասորեստանում սկսված ներքաղաքական բարդությունները, այնուհետև Բաբելոնի և Մարաստանի ձեռնարկած տևական պատերազմը ընդդեմ Ասորեստանի, այլևս թույլ չտվեցին վերջինիս զբաղվելու այս հեռավոր շրջաններով: Առաջավորասիական մեծ քաղաքականությունը այս ժամանակահատվածում գլխավորապես բեռված էր մի կողմից Ասորեստանի, մյուս կողմից՝ Մարաստանի, Բաբելոնիայի և էլամի տևական հակամարտության վրա: Միայն մ.թ.ա.605 թ. Խառանի ճակատամարտից հետո է վերսկսվում Բաբելոնիայի և Մարաստանի արտաքին քաղաքական ակտիվության փուլը՝ առաջինը՝ դեպի արևմուտք (Տավրոսից հարավ), երկրորդը՝ նույնպես արևմուտք, սակայն Տավրոսից Հյուսիս:

Մեր ուսումնասիրության նպատակների տեսանկյունից առավել կարևոր է Մարաստանի արևմտյան քաղաքականությունը: Հայտնի է, որ մ.թ.ա.590–585 թթ. տեղի է ունեցել մեծ պատերազմ Մարաստանի և Լիդիայի միջև, որի ավարտից հետո երկու երկրների միջև հաստատված սահմանը անցել է Հալիս գետով⁴⁷: Մ.թ.ա.630-ական թթ. հետո անցած շուրջ 40 տարիների ընթացքում արևելյան Փոքր Ասիայում հագիվ թե լուրջ էթնոքաղաքական փոփոխություններ տեղի ունեցած լինեին: Եզեկիելի ճառի

44 Հայտնի է, որ մ.թ.ա.590–585 թթ. Մարաստանի և Լիդիայի միջև ընթացած պատերազմի ավարտին կնքված խաղաղության պայմանագրում միջնորդներից մեկը Կիլիկիայի արքա Սիեննեսիսն էր (Հերոդոտոս. I, 74):

45 Eusebi Chroniconum Canonum (ed.Schoene). Zurich, 1866, II, S.88–89.

46 Ըստ Հերոդոտոսի (I 106), դրանից հետո Ասիայում սկսվել է սկյուլթների 28-ամյա տիրապետությունը: Սակայն այս հաղորդումը հակասության մեջ է այլ հեղինակների տեղեկությունների հետ, ըստ որոնց, սկյուլթների տիրապետությունը տևել է 15 տարի (Պոմպոնոս Տրոգոս, Հուստինոս և այլն, հղվում է ըստ A. S p a l i n g e r. Journal of American Oriental Society 98, 1978, N4, p.408):

47 Հերոդոտոս. I 106.

Համապատասխան Հատվածի (21:10-15) Հիման վրա արված եզրակացու-
թյունները⁴⁸ թույլ են տալիս հայտարարելու, որ այստեղ ակնհայտորեն
կարելի է խոսել քաղաքական ավանդույթների շարունակականության մա-
սին: Հաղիվ թե Աստվածաշնչային «Թարալը» և «Տուն Թորգոման»
մ.թ.ա.580-ական թթ. թվագրվող տեքստում ղրկված լինելն մի քանի տաս-
նամյակ առաջ ունեցած էթնոքաղաքական բովանդակությունից:

* * *

Ամփոփելով, անհրաժեշտ ենք համարում ներկայացնելու մեր պատ-
կերացումները մ.թ.ա.VII դարի վերջին քառորդում արևելյան Փոքր Ասիա-
յում տեղի ունեցած իրադարձությունները Արամ նահապետի խորենացիա-
կան կերպարին առնչելու Հնարավորությունների մասին, որոնք Հենվում
են հոգվածում բերված փաստական նյութի վրա:

Արամ նահապետի գործունեության թվագրումը մ.թ.ա.VII դարի վեր-
ջին քառորդով, որը որոշակիորեն կախված է սկյուրթական առաջնորդ Մա-
դիոսի և Նորենացու Հիշատակած նյութքար Մադեսի, Լիդիայի արքա (ըստ
Բ.Հարությունյանի՝ արքայորդի) Սադիատեսի և Պայապիս Քաադեայի
համադրություններից, լուրջ առարկությունների տեղիք է տալիս:

Պարտատուայի որդի Մադիոսի դեմ պատերազմի և վերջինիս մահա-
պատժի թվագրումը մ.թ.ա.631 թ. որևէ լուրջ կռվան չունի: Մադիոսը ղրա-
նից մի քանի տարի առաջ արդեն գտնվում էր Փոքր Ասիայում, որտեղից էլ
անցել էր Պադեստին: Հաղիվ թե նա այնտեղից ետ է վերադարձել:

Արամ նահապետի փոքրասիական արշավանքի թվագրումը մ.թ.ա.
620–617 թթ. էլ ավելի մեծ տարակուսանք է առաջ բերում: Հեղինակը
հենվում է Լիդիայի Մերմնադյան արքայատոհմի կառավարման հերոդո-
տոսյան թվագրման վրա: Սակայն մեզ հայտնի են առնվազն երկու այլ
թվագրություններ և, հարկ է նշել, որ դրանցից որևէ մեկին առայժմ դժվար
է նախապատվություն տալ: Ներկայացնենք այդ արքայացանկերը յուրա-
քանչյուր արքային հատկացված կառավարման տարիներով.

	Եվսեբիոս Կեսարացի	Հերոդոտոս	Եվսեբիոս (հայ.թարգմ)
Գիգես	36	38	35
Արդիս	38	49	37
Սադիատես	15	12	5
Ալիաթթես	49	57	49
Կրեսոս	15	14	15

48 И. М. Дьяконов. Малая Азия и Армения, с.60 сл.

Եթէ վերջին արքա Կրեսոսի կառավարման ավարտը տեղագրում ենք մ.թ.ա.546 թ., ապա հետադարձ հաշվարկով Լիդիայի արքաների կառավարման տարեթիվերը հետևյալ տեսքն են ստանում.

Գիգես	699-663	716-678	687-652
Արդիս	663-625	678-629	652-615
Սադիատտես	625-610	629-617	615-610
Ալիաթթես	610-561	617-560	610-561
Կրեսոս	561-546	560-546	561-546

Վերը բերված երեք ցուցակների առկայությունն արդեն իսկ կարող է վկայել աղբյուրներում տիրող ժամանակագրական զգալի շփոթի առկայություն մասին: Կիմմերների կողմից Սարգեսի գրավման և Գիգեսի մահվան՝ մեր հոգվածում կիրառվող ճշգրտված մ.թ.ա.644 թ. ակնհայտ հակասություն մեջ է գտնվում ինչպես Եվսեբիոսի երկու հրատարակությունների, այնպես էլ Հերոդոտոսի տվյալների հետ: Այսինքն, ստիպված ենք ընդունել, որ անհրաժեշտ է արտակարգ զգուշավորություն հանգես բերել պատմական իրադարձությունների՝ անտիկ աղբյուրների միջոցով կատարվող վերականգնումների նկատմամբ: Աս միակ դեպքը չէ, երբ ուսումնասիրվող խնդրի առնչությամբ բախվում ենք նման բարդությունների հետ: Ասիայում սկյութների 28-ամյա տիրապետության մասին Հերոդոտոսի տեղեկությունը նույնպես չի կիսվում անտիկ շրջանի այլ հեղինակների կողմից⁴⁹:

Եվ, վերջապես, քննարկվող խնդրի հիմնահարցի մասին: Եթե նույնիսկ մի պահ ենթադրենք, որ մասնագիտական հրատարակություններում այսօր Ուրարտուի արքայացանկի վերջին ներկայացուցիչներից մեկը՝ Էրիմենան սկյութների արշավանքից հետո իշխանության եկած հայկական արքայատոհմի հիմնադիրն էր, որը Պատմահոր երկու հայտնի է որպես Արամ նահապետ, ապա արդյոք նրան վերագրելի են այն բոլոր քաջագործությունները, որոնք հիշատակում է խորենացին:

Սկզբնաղբյուրների ներկա վիճակը հնարավորություն չի ընձեռում ընդունելու Էրիմենա-Արամի գործունեության այնպիսի լայն աշխարհագրություն, ինչպիսին ներկայացվում է Բ. Հարությունյանի ուսումնասիրության մեջ: Այդպիսի արշավանք դժվար է պատկերացնել թեկուզ այն պատճառով, որ մեզ լավ հայտնի են մ.թ.ա. VII դարում Փոքր Ասիայում առկա բոլոր հիմնական քաղաքական ուժերը: Ավելին, առավել դժվար է պատկերացնել Արամի փոքրասիական արշավանքի զրոպատճառները, Տուշպա-Վանում կամ Արգիշտիիսիլի-Արմավիրում կառավարող «հայոց արքա» Էրիմենա-Արամի և Լիդիայի շահերի բախումը: «Կյուրոպեդիայում» հիշատակվող անանուն հայոց արքան ակնհայտորեն այն հզոր տիրակալը չէր, որին վերագրելի են Արամ նահապետի գործերը: Կարծում եմ,

49 Տե՛ս ծանոթ. 46.

որ Արամին և նրա պետութիւնը պիտի փնտրել Նահապետի փոքրասիական գործունեութեան թատերաբեմում, ինչի մասին ակնարկում է նաև Աստվածաշունչը: Մ.թ.ա.VI դարի սկզբներով թվագրվող Եզեկիելի ճառում հիշատակվող ժողովուրդների ցուցակում գտնում ենք «Տուն Թորգոման» (տես վերը), նույն ինքը արևելափոքրասիական Մելիզ-Թաբալը: Այն պետութիւնը, որը ձևավորվել էր դեռևս մ.թ.ա./05–695 թթ. որպես ինքնուրույն քաղաքական միավոր, և որը Հաջողութեամբ դիմագրավում էր Սինաքերիբի և Ասարհազդնի արշավանքներին: Իսկ տարածաշրջանում կիմմերների ակտիվութեան փուլում, ամենայն հավանականութեամբ, հանդիսանում էր նրանց գաղնակիցը Լիդիայի դեմ պատերազմներում: Եթե իրոք բավարար հիմնավորում ունի վերջերս առաջ քաշված տեսակետը, ըստ որի Մելիզ-Թաբալի պետութիւնը (=Տուն Թորգոմայ) հանդիսացել է թաբալյան Ատունայի անմիջական ժառանգորդը³⁰, ապա Մաժաբ–Կեսարիայի նվաճումը հնարավոր կլինի տեղագրելու մ.թ.ա.710 թ. նախորդող շրջանում, մի ժամանակահատված, որը շուրջ մեկ դարով ավելի վաղ է, քան Էրիմենա–Արամին վերագրվող փոքրասիական արշավանքը:

Եզրափակելով մեր հետազոտութիւնը, անհրաժեշտ է նշել ինքնուրույն Պատմութեան Առաջին գրքում տեղ գտած հայոց ծագումնաբանութեան գիտական արժեքավորման հետ կապված մի մեթոդական խնդիր: Առաջին հայկյանների կամ հայոց նախապատմութեան «հերոսական դարաշրջանի» գիտարկումը մեկ միասնական քաղաքական դաշտում, թվում է, անհեռանկարային բնագավառ է: «Հայկյան» փուլը տիպաբանորեն որևէ կերպ համեմատելի չէ ոչ Արտաշեսյան կամ Արշակունյաց, ոչ էլ նույնիսկ Երվանդյան փուլի հետ: Վերջիններիս օրոք հայկական պետութիւնը ընդգրկել է ողջ Հայկական Լեռնաշխարհը կամ դրա զգալի մասը: Իսկ «Հայկյան Հայաստանը» ակնհայտորեն ներկայացնում է մի ժամանակաշրջան, երբ հայկական էթնոսի զարգացումը ընթանում էր կենտրոնացման միտումով, մի բան, որ արդեն հիմնականում ավարտվել էր Երվանդյան փուլում: Այստեղից էլ այն բոլոր բարդութիւնները, որոնք ծագում են Հայկի տոհմի ներկայացուցիչներին կոնկրետ պատմական անձնավորում հաղորդելու փորձերում: Նման ձեռնարկումներում հնարավոր են ինչպես երկու և ավելի անձնավորութիւններին մեկում միավորելու, այնպես էլ հակառակ տիպի սխալները: Մեր համոզմամբ, ինքնուրույն Հայկյանները ներկայացնում են մի ժամանակաշրջան, երբ Հայկական լեռնաշխարհում զուգահեռ գոյութիւն են ունեցել հայկական էթնոսի ձևավորման մի քանի ինքնուրույն կենտրոններ՝ իրենց համապատասխան քաղաքական վերնաշենքով: Ներկայումս մեր տրամադրութեան տակ եղած սկզբնաղբյուրների ընձեռած հնարավորութիւնների սահմաններում կարելի է մատնանշել այդպիսի առնվազն չորս հիմնական կենտրոններ՝ վերինփրատյան շրջան (Մոփք, Մա-

50 Ա. Վ. Քոսյան. Տուն Թորգոմայ, էջ 21–32.

լաթիա = Տուն Թորդոմայ), Վանա լճի արևմտյան ավազան (Ուրմե, Շուբ-րիա և Հարակից շրջաններ), Վանա և Ուրմիա լճերի միջև ընկած տարածքը (Տուչպա-Վան կենտրոնով), էթիոնի (Արգիշտիխինիլի-Արմավիր կենտրոնով): Ուրարտական տերութեան գոյութեան շրջանում վերոհիշյալ տարածքները գտնվել են նրա անմիջական ենթակայութեան տակ կամ ազգացուցութեան ոլորտում: Դեռևս ուրարտական փուլում արդեն նկատվում են սրանց մի մասի ներսում սկսված քաղաքական վերելքի ակնհայտ գործընթացներ (էթիոնի, Տուն Թորդոմա, Հետո՝ Շուբրիա): Ավելի ուշ, մ.թ.ա.VII դ. ընթացքում Ուրարտուի հզորութեան անկումը պիտի նման պրոցեսների հանգեցներ նաև մյուս հայաբնակ կենտրոններում: Առաջին Հայկյանների աստիճանական տարածումը «թորգոմյան արեալից» դեպի Հայկական լեռնաշխարհի տարբեր շրջաններ, թերևս, ավելի նպատակահարմար է մեկնաբանել որպես մի քանի հայալեզու (ինչու է, նաև միայն մասնակիորեն հայալեզու) պետական կազմավորումների մասին հիշողութեանների արհեստական միակցում, որը խորենացու մոտ ներկայանում է «Հայկյան տոհմի» անդամների տեղաշարժերի տեսքով: Ի վերջո, չի կարելի անտեսել այն ակնառու փաստը, որ Արամը հնդեվրոպական ազգածին նահապետի տիպիկ կերպար է, որը պիտի ներառներ տարբեր ժամանակաշրջանների իբրողութեաններ⁵¹: Այսինքն, ավելի քան հավանական է, որ Արամ նահապետի խնդրում գործ ունենք ոչ թե մեկ, այլ տարբեր դարաշրջաններում ապրած երկու կամ ավելի անձնավորութեանների գործերի արհեստական միավորման երևույթի հետ:

Կրկին անդրադառնալով Բ. Հարությունյանի վարկածին, անհրաժեշտ է ընդունել, որ այն իր մեջ պարունակում է Առաջին Հայկյանների անձնավորման խնդրի լուծման կարևորագույն ուղենիշներ: Անվիճելի է, որ հեղինակի կողմից հետազոտված ժամանակաշրջանը, մի շարք փաստարկների ճնշման տակ, պիտի ինչ-որ կերպ արտացոլվեր Արամ նահապետի կերպարում: Մեր կարծիքով, առաջարկված վարկածը ավելի կշահեր, եթե չսահմանափակվեր միայն էրիմենա-Արամի պետութեամբ (Ուրարտու-Վանի թագավորութեան), այլ ընդգրկեր Եփրատից արևմուտք և արևելք ընկած հետագայի Աքեմենյան XIII սատրապութեան նույնպես հայալեզու արեալը: Թվում է, Արամ նահապետին վերագրվող պատերազմները անհամեմատ ավելի հեշտ է տեղայնացնել վերինեփրատյան Մելիդում և Հարակից շրջաններում մ.թ.ա.VII դարում գոյութեան ունեցած թագավորութեան տարածքում: Համենայնդեպս, այստեղ առկա է Արամի գործունեութեան բոլոր երեք բաղադրիչների պատմական ետնախորքը.

1) Հաղթանակ Պալապիս Քաաղեայի Ակատմամբ. Լիգիայի արքա Գիգեսի պարտութեանը և վախճանը կիմմերական առաջնորդ թուգզամմե-

51 Ա. Պ ե տ ո ս յ ա ն. Արամի առասպելը հնդեվրոպական առասպելաբանութեան համատեքստում և հայոց ազգածագման խնդիրը. Երևան, 1997:

Լիգդամիսի հարձակման հետևանքով, այս ձեռնարկման մեջ Մելիդի մասնակցությունը (տես վերը տեքստում Մուգալլուի որդի [...]-ուսսիի և կիմմերների գաշինքը):

2) Պատերազմ Նյուքար Մադենի դեմ. Սկյութական առաջնորդ Մադենի արշավանքը Փոքր Ասիա՝ կիմմերների դեմ մ.թ.ա.637–632 թթ. միջև. կիմմերների գաշնակից Մելիդը նույնպես պիտի մասնակից լիներ սկյութների դեմ պատերազմին:

3) Պատերազմ Բարշամի դեմ. Չնայած առկա սկզբնաղբյուրներում ուղղակի վկայություններ չկան Մելիդի և Ասորեստանի միջև մ.թ.ա.675 թ. հետո տեղի ունեցած ընդհարումների մասին, սակայն Աշշուրբանապալի տեքստերը ստիպում են ենթադրել, որ երկու պետությունների փոխհարաբերությունները ամենևին բարիդրացիական չեն եղել: Հենց թեկուզ Մելիդի և կիմմերների միջև դաշինքի գոյությունը կարող է վկայել հօգուտ թշնամական հարաբերությունների, առկազն [...]-ուսսիի օրոք: Վերջապես, ավելի հեշտ է պատկերացնել Քսենոփոնի հիշատակած արմենների և ռազմատենչ խալդայների հարևանությունը արևելափոքրասիական տարածաշրջանում, քան որևէ այլ վայրում: Հիշենք Ռուսա II-ի արշավանքը դեպի Մուզկինի, Խաթե և Խալիտու երկրներ, որոնցից Խաթեն, անկասկած, Մելիդն է, իսկ Խալիտուն՝ Խաղտիքը (տես վերը տեքստում):

НАХАПЕТ АРАМ В КАППАДОКИИ (К одной гипотезе)

Доктор истор. наук А. В. КОСЯН

Резюме

В статье рассматривается высказанная недавно в книге ведущего специалиста по истории древней Армении Б. Арутюняна гипотеза, согласно которой, прототипом одного из наиболее видных представителей "первых Хайкидов" Мовсеса Хоренаци - *нахапета* Арама мог быть упомянутый во второй половине VII в. до н.э. урартский царь Эримена. На основании клинописных ассирийских, иероглифических лувийских и античных источников выдвигается предположение о том, что историческая обстановка, обрисованная Хоренаци для периода нахапета Арама, более подходит к восточномалоазийскому царству Мелид (Малатья), нежели к сильно ослабленному во второй половине VII в. до н.э. урартскому государству. В течение большей части VII в. до н.э. мелидское царство представляло собой сильное государственное объединение, которое, в союзе с малоазийскими киммерийцами, успешно противостояло Ассирии, Лидии, а в 630-х годах - скифам Мадия. Согласно предлагаемой контргипотезе, указанные враги мелидского царства вполне могли быть олицетворены в "Истории" Мовсеса Хоренаци в качестве Ньюкара Мадеса (скифский вождь Мадий), Баршама (Ассирия периода Ашшурбанапала) и Паяписа Каахеа (некий царь Лидии, возможно, Ардис и Садюатт).

ARAM NAHAPET IN CAPPADOCIA

(On a hypothesis)

Doctor of Hist. Sciences A. V. KOSSIAN

S u m m a r y

The author discusses the recent theory put down by Prof. Babken Haroutunian, according to which one of the "First Haykides" figuring in the "History of Armenia" of Movses Khorenatsi, namely Aram *nahapet*, should be identified with the Urartian king Erimena (second half of the VII c. B. C.). The analyses of Cuneiform Assyrian, Hieroglyphic Luwian and Classical Greek sources shows that the historical background for the period of Khorenatsi's Aram *nahapet* fits much better the kingdom of Melid (Malatya) in eastern Anatolia rather than the extremely weak Urartu. During the greater part of the VII c. B. C. Melid was a strong kingdom which in alliance with the Cimmerians of Asia Minor was successfully opposing Assyria, Lydia, and from 630's the Scythians of Madios. According to the contrhypotheses, the above-mentioned enemies of Melid could have been personalized in the "History" of Khorenatsi as Nyukar Mades (Scythian chieftain Madios), Barsham (Assyria of Ashshurbanapal), and Payapis Kaaghea (some Lydian king, possibly, Ardys or Saduattes).